

# Канон Богоявлению Господню

Празднуем 6 (19) января

## *Тропарь, глас 1-й*

Во Иорданѣ крещаящуся Тебѣ, Господи, Троическое явися поклонѣние, Родителей бо глас свидѣтельствоваше Тебѣ, Возлюбленнаго Тя Сына именуя: и Дух в видѣ голубинѣ, извѣствоваше словесѣ утверждѣние. Явлейся, Христѣ Божѣ, и мир просвещей, слава Тебѣ.

## Канон, глас 2-й

### *Песнь 1*

*Ирмос:* Глубины открыл есть дно, и сушею Своя влечет, в ней покрыв противныя, крепкий во бранех Господь, яко прославися.

*Припев:* Слава, Господи, святому Богоявлению Твоему.

Адама истлевшаго обновляет струями Иорданскими, и змиев главы гнездящихся сокрушает Царь веков Господь, яко прославися. (Дважды)

*Слава:* Огнем Божества невещественным в плоть вещественну одеаяся, Иорданскою облагается водою, воплощется от Девы Господь, яко прославися.

*И ныне:* Скверну омываяй человеков, сим, очисься во Иорданѣ, имже восхотев уподобися, еже бе пребыв, сущия во тьме просвещаяй Господь, яко прославися.

### *Песнь 3*

*Ирмос:* Крепость дай царем нашим Господь, и рог помазанных Своих возносяй, от Девы раждается, грядет же ко крещению. Тому вернии возопием: несть Свят, яко Бог наш.

Слава, Господи, святому Богоявлению Твоему.

Неплодная древле и безчадная люте, днесь веселися Христова Церковь: водою бо и Духом сынове тебе родишася, верою взывающе: несть Свят, якоже Бог наш.

(Дважды)

*Слава:* Вѣлиим гласом в пустыни вопиет Предтеча: Христу уготовайте пути, и стези Богу нашему правы соделайте, верою взывающе: несть Свят, якоже Бог наш.

*И ныне:* Тойже.

Господи, помилуй. (Трижды.) Слава, и ныне:

#### *Ипакои, глас 5-й*

Егда явлением Твоим просветил еси всяческая, тогда сланое неверия море побеже, и Иордан доле текый возвратися, к небеси возвышая нас: но высоту Божественных заповедей Твоих соблюди, Христе Боже, молитвами Богородицы, и помилуй нас.

#### *Песнь 4*

*Ирмос:* Услышах, Господи, глас Твой, егоже рекл еси, глас вопиющего в пустыни, яко возгремел еси над водами многими, Твоему свидетельствуяй Сыну, весь быв сошедшаго Духа, возопи: Ты еси Христос, Божия Мудрость и Сила.

Слава, Господи, святому Богоявлению Твоему.

Очищаемо солнце кто виде, проповедник вопиет, пресветлое естеством? Да Тебе водами сияние славы, Отца образ Присносущнаго омыю, и сено сый огню прикоснуся Твоего Божества; Ты бо еси Христос, Божия Мудрость и Сила. (Дважды.)

*Слава:* Яви Божественное, еже име благоговение Моисей, прилучився Тебе: яко бо из купины Тя возгласивша разуме, абие отврати лице; аз же како Тя увижу ясно? Или како руку положу на Тя? Ты бо еси Христос, Божия Мудрость и Сила.

*И ныне:* Душевное совершая мудре, и словом почтеный, бездушных стыждуся. Аще бо крещу Тя, клеветна ми есть огнем дымящаяся гора, побегшее же море на двоє, и Иордан сей возвративыйся; Ты бо еси Христос, Божия Мудрость и Сила.

## *Песнь 5*

*Ирмос:* Иисус живота начальник, разрешити осуждение грядет Адама перевозданнаго, очищений же яко Бог не требуя, падшаго очищает во Иордане; в немже вражду убив, преимуществ всяк ум мир дарует.

Слава, Господи, святому Богоявлению Твоему.

Сшедшимся без числа людем от Иоанна креститися, сам посреде их ста, провозгласи же предстоящим: кто показа, непокоривии, гнева вам уклонитися хотящаго быти? Плоды достойны Христу сотворите, предстояй бо ныне мир дарует. (Дважды.)

*Слава:* Делатель и Зиждитель посреде стояй, яко Един всех сердца испытует; очистительную же лопату рукою прием, всемирное гумно всеумудре разлучает, неплодие паля, благоплодным вечный живот дарует.

*И ныне:* Тойже.

## *Песнь 6*

*Ирмос:* Глас Словесе, светильник Света, денница Солнца, Предтеча, в пустыни, покайтесь, всем вопиет людем, и предпочиститесь: се бо предстоит Христос, от тли мир избавляяй.

Слава, Господи, святому Богоявлению Твоему.

Рождья нетленно от Бога и Отца, от Девы кроме скверны воплощается Христос: Емуже ремень, яже от нас слова сочтания, разрешити неудобь учит Предтеча, земнородныя от лести избавляя. (Дважды.)

*Слава:* Огнем крестит конечным Христос противныя, а не Бога мудрствующих Его; Духом же обновляет водою благодати, разумливыя Божества Его, от прегрешений избавляя.

*И ныне:* Тойже.

Господи, помилуй. (Трижды.) Слава, и ныне:

### *Кондак, глас 4-й*

Явился еси днесь вселенней, и свет Твой, Господи, знаменая на нас, в разуме поющих Тя: пришел еси, и

явился еси Свет Непреступный.

### *Икос*

Галилеи язычестей, Завулонстей странé и Неффалимстей земли, якоже рече пророк, свет велик возсия Христос. Омраченнм светла явися заря, из Вифлеэма облистáющая, пáче же из Марии Господь, всей вселенней возсиявает лучи, Солнце Правды. Тёмже иже от Адама назии, приидите вси облечёмся в Него, да согреёмся; покрывáет бо нагия и просвещáет тёмныя. Пришёл еси, и явился еси Свет Непреступный.

### *Песнь 7*

*Ирмос:* Юноши благочестивыя, пещи огненной приобщившиися, шумящ дух росный невредимы сохрани, и Божия Ангела низхождение. Тёмже в пламени орошаеми благодарственно воспеваху: препетый отцев, Господи и Боже, благословен еси.

Слава, Господи, святому Богоявлению Твоему.

Якоже на небеси с трепетом и чудом предстояху, во Иордане силы Ангельския, смотряюще толика Божия схождения: яко держай превышних вод состав, в водах Плотносец стояше, Бог отцев наших. (Дважды)

*Слава:* Облак древле и море Божественнаго проображаху крещения чудо, в нихже древнии крестяшася, исходяще законнии людие. Море же бе образ воды, и облак Духа: имиже совершаеми, благословен еси, зовем, Господи Боже, во веки.

*И ныне:* Все вернии, в Немже совершение прияхом, богословяще немолчно со Ангелы, прославим Отца и Сына и Духа Святаго; се бо Троица Ипостасьми Единосущная, Един же Бог, Емуже поем: благословен еси, Господи Боже, во веки.

### *Песнь 8*

*Ирмос:* Тайну преславную Вавилонская показа пещь, источившая росу, яко струями имяше невестственный Огнь восприяти Иордан, и объяти плотию крещаемая Зиждителя; Егоже благословят людие и превозносят во вся веки.

Сла́ва, Го́споди, свято́му Богоявлéнию Твоему́.

Отложи́ страх весь, Изба́витель Предте́чи рече́, Мне же повини́ся, я́ко Благо́му, Мне приступи́, си́е бо естество́м бых. Моим повелéнием покори́ся, и крести́ Мя соше́дшаго: Егóже благословя́т лю́дие и превозно́сят во вся ве́ки. (Дважды.)

*Слава:* Глаго́лы я́коже услы́ша Крестите́ль Влады́чни, с трéпетом длань простира́ет: оба́че же руко́ю косну́вся верху́ Зиждите́ля своего́, Кре́щшемуся вопия́ше: освяти́ мя, Ты бо еси́ Бог мой, Егóже благословя́т лю́дие и превозно́сят во вся ве́ки.

*И ныне:* Трoицы явлéние во Иорда́не бысть, Са́мое бо Пребоже́ственное естество́ Оте́ц возгласи́: Сей крещáемый Сын возлю́бленный Мой; Дух же прииде́ к подобно́му, Егó же благословя́т лю́дие и превозно́сят во вся ве́ки.

### *Песнь 9*

*Ирмос:* Недоуме́ет всяк язы́к благохвалити́ по достоя́нию, изуемева́ет же ум и премирный пéти Тя, Богороди́це. Оба́че Благо́я сущи́, ве́ру приими́, и́бо любовь́ ве́си Божéственную на́шу: Ты бо христиáн еси́ Предстáтельница, Тя велича́ем.

Сла́ва, Го́споди, свято́му Богоявлéнию Твоему́.

Дави́де, прииди́ дýхом к просвещéнным, ны́не приступи́те, пой к Бо́гу ве́рою, глаго́ля: просветитесь, сей ни́щий воззва́ Ада́м в падéнии; и́бо того́ услы́ша Господь, прише́д струя́ми Иорда́нскими, тлénнаго же обнови́. (Дважды)

*Слава:* Иса́иа, измы́йтесь, очисти́тесь, глаго́лет, лука́вствия пред Го́сподем оста́вите, жа́ждущии на во́ду живу́ идите́: кропит бо водо́ю, обновля́ Христос присту́пающия к Немú ве́рою, и к животу́ нестарéемому крещáет Дýхом.

*И ныне:* Соблюда́емся благода́тию ве́рнии, и печáтию: я́ко бо губите́ля бежа́ша, пра́га евре́и дрéвле окрoва́влена. Та́ко и нам исходное́ Божéственное си́е, пакибыти́я ба́ня бу́дет. Отсю́ду и Трoицы у́зрим Свет незаходимый.

### *Задостойник*

О паче ума Рождества Твоего чудес, Невесто Всечистая, Мати Благословенная! Еюже получивше всесовершенное спасение, достойно хвалим, яко Благодетеля, дар носяще песнь благодарения.